





十倍百倍千倍以助興學之費夫我中國之民不學無術者多矣不學無術故不爲其所當爲而爲其所不當爲其所以不學無術之故則以其無學之資也無與辦學堂之資也今無幸有此大富之席氏而可以任此且席氏又能深知學生之於己有用則其所以勸學者亦當一如其助兵況乎學生之名譽不可

敢犯大不韙而爲此者。必其得計之深矣。而按之事實上。適與之相反。美國自十年以來。工商業日益進步。其在我中國之商務。亦浸淫發達。除英國以外。無足以與之比者。如洋布麵粉。蠶絲。每歲進口貨值。每項不下數十百萬。考稅關貿易冊所載。足

政務處大臣和碩慶親王奏勛等跪奏爲遵旨議奏事本年三月二十一日准軍機處抄交御史黃昌年奏各衙門奏奉旨准駁摺件請訂簡明章程刊布曉示一片奉旨政務處議奏欽此原奏內請亟宜訂定新章簡明章程刊布曉示凡一衙門奏請奉旨准駁之件須令各衙門皆知重要則明發諭旨次要則編發閣抄擬請飭交政務處妥議辦法凡政務處練兵處學務處及銀行鐵路礦務電線一切舉行要政或揭署前或發閣抄或通行移會或刊刻告示等語臣等查立政

之要必貴宣讀讀法之頒尤宜詳備近年京外創行新政增益舊章條目繁繁規制日異講求政治自以刊錄摺件爲要務是以臣等前經奏請採取中外案牘抄送編輯政要復於議覆前四川學政吳郁生請修政治專書摺內聲明嗣後凡有內外各衙門奏定各摺件擬由軍機處抄送政務處逐件檢閱但非事關慎密即發交轉房刊行而經奉 旨允准正與該御史所請刊布摺件之意相符旋經酌量變通由各衙門徑咨政務處發鈔惟各衙門鈔送多有遲滯以致刊布未能完備應即分別咨催凡嗣後具奏摺件除事關慎密及照例核覆之件毋庸抄送外所有創改革程及議定事件皆於奉 旨後咨送政務處陸續發刊以廣傳布至軍機處於京外摺件向係奉明發 諭旨及有辦法者皆交發鈔其無辦法及事宜慎密者則不發鈔應仍由軍機處酌核辦理所有議覆緣由謹恭摺具陳伏乞 皇太后 皇上聖鑒訓示謹 奏光緒三十一年四月二十五日具奏奉 旨依議欽此

這亞丁埠最可危的人第一是紅樓邸的蕭喬伯爵伯爵所有的產都聚銀壩那壩又是多年採擇過的墳穴自然深大一經地震必然下陷又接連着幾日大風大雨那壩內積了許多的水不陷了的也就淹沒了所以在亞丁埠有壩產的沒有一箇不破了的依理而論那紅樓邸伯爵是第一箇應先破產的人但是過了這次災難以後看伯爵的情形依然怡然自得並沒一點着急倒是第一個破產的人移在楓子的叔父秋山八郎身上了秋山八郎過了地震那日跑到紅樓邸裡跪在老伯爵的面前哀求伯爵道我自從這裏買去的壩現在都被地震震壞了雖這都是天命我也怨不得你只可憐我現在並沒一點產業以前我在這裏借的款項可否從緩稍全我的體面老伯爵不聽這話還可一聽這話便大怒道八郎你以前的壩是你自己要讓去的又不是我強賣給你的現在你地震震壞了你干我甚事你以前借去款項今日我要用自然應該還我八郎再要說時伯爵那就不理了不到一刻伯爵早已差了人往裁判所告了八郎欠債用了八千兩的賄賂那裁判官便糊裏糊塗簽了字出了牌出其不意將八郎拖入警察署內按着欠錢的例規剗去了八郎的衣服赤着腳關了一夜到明日審問過了將八郎的家屋一概發了封賠償了伯爵纔算完了這案八郎從警察署出來懷恨着伯爵便常常懷着利刃想復這仇那亞丁埠裏的人看了這事益復畏懼伯爵那紅葉公子看了這事雖也有有的可憐實在不能搭救自古道天富淫人此亞丁埠的人個個受災遇難有只這紅樓邸氣餒却比從前更甚



執業詎韋等預支工員後即行逃逸由該教士投稟請出信票昨由巴探陳洪



1

1







日本明治三十八年十一月十三日(三國報代印)

政界紀聞

○裁刑部之先聲 (直隸) 探聞直隸臬台譚商現在改良刑律而各省刑幕一席權操諸人未免藉端難堪譚道速設法律學堂選候補人員肄習一俟刑律熟悉即派充專理刑名將刑幕一律裁去以免從中舞弊並擬由直隸先行試辦俟有成效再各省仿行想不日議妥當可由其督人奏矣

○史念祖不願為天府尹 (京師) 某軍師密使史念祖為奉天府尹以資將軍之贊助政府有允准所請之意而史念祖有電致某尚書力辭此差有自謂年老無才等語云

○岑督力保汪學政 (京師) 廣西學政汪貽書經岑督極力奏保謂其才具可勝藩司之任未知 廷意如何

○不允唐欽使告退 (京師) 英藏所議之約英人祇認中國為西藏之上國不允認中國為西藏之主國而政府則必欲英人認西藏為中國之屬國中國為西藏之主國因此爭執所議無效故唐小川欽使日前有電來京告退請政府另行派員接辦政府以無庸接議電覆之

○黑龍江省奏保知府署理巡道 (京師) 日前黑龍江將軍達桂副都統程德全奏委署理江省新設首道一摺略謂省城分道巡撫兼按察使銜一缺總辦刑名統司驛站員缺極為緊要查有候補知府程德全才幹優渥深達通達治要熟悉邊情向在奉天幕中久為前將軍依克唐阿所倚重及至吉林尤為將軍所賞識其庚子間運籌決勝獲全功該員之力居多懇 恩俯念邊省吏治需才孔亟可否准將吉林候補知府程德全試署云云聞已奉 旨允准矣

○奏保丁寶銓為顧問官 (京師) 日前商部遞一片奏為玻璃公司事保舉丁寶銓為商部二等顧問官已奉 旨允准

○江北提督起程日期 (京師) 劉提督永慶定於初六日請 訓十一日起程聞擬由津赴保定再由陸路赴任

軍界紀聞

○裁撤柳州轉運局 (廣西) 自軍興以來柳州南梧四府均設轉運局現因亂勢已歇岑督電飭將柳州府城轉運局即行裁撤所有局中餉械解交潯州轉運局收管嗣後右江各軍餉械均向潯州領用或由潯州分解各路接濟故近日柳州局所軍械紛紛搬運用民船多隻運送潯州以水師船隻十隻另有淺水兵輪船及兩岸管勇接運送以昭慎重

○添設督練公所 (安徽) 皖撫誠中丞擬在署東邊添設督練公所設在該公所校閱練軍中丞自為督練總辦潘鼎為幫辦並有標統協統名目

○常備左軍總統查復移兵分案事 (湖南) 總統湖南健字全軍南洋常備左軍記名提督張軍門咨覆兵備處云奉撫部院批東安縣令開督陳學務及籌辦添兵並江南常備軍一營請移駐黃土井炎塘二處一案當即轉飭都督備左軍後營管帶胡聯輝會同商辦昨據該管帶申稱奉札後即與營商除黃土井炎塘二處外又有鴨蛋舖楓上兩處均須派兵分駐四月十一日飭左哨哨長成慶唐帶勇三棚駐黃土井十二日飭前哨哨官彭鴻瑞帶勇四棚駐鴨蛋舖十三日飭前哨哨官周亮臣帶勇三棚駐炎塘均惟視上一處

學界紀聞

○勸學有效 (湖南) 前紀湘撫端方節飭省城添設初等小學堂四十所令學務處招請勸學士四人分途勸學茲聞學務中人云此次勸學士所勸入學之小孩惟附生鍾鏡澤所勸十六歲地段人數較多蓋鍾生善於言詞能切中要點將可聽從者多加以該處警察委員已先期督同巡勇將該處之勸學士接見分送劉開導又於各戶之識字者囑其互相傳告勸學士登門已不費唇舌將小孩名字籍貫開出故數日之間該段之從學者已多至六十餘名該委員又預將保甲各冊逐一查明如某戶並無男孩者另行錄出告知勸學士俾可無庸前往尤屬以逸待勞事半功倍之法也

○法律學堂議 (湖北) 前聞張香帥有開設法律學堂之議惟香帥最惡今之言法律者若能學舊律又不足以稱完備頃聞已擬不開祇於法學院中法律一門認真注重而已

○派員赴各國考查留學生 (湖北) 丁憂候補知府金鼎近為上台委赴日本德奧法比考查鄂中派往留學生功課品行意旨并傳意期望其厚得浮雲云

○鄂省留學師範生之事業 (湖北) 湖北師範生盡屬梁鼎芬之門弟子此次由東歸來寄居學務處抄有日本教科書十四本合資以七十元在東印刷改題其名為師範教科書編諸生中除自費一二生外大致未關 語日昨請梁鼎芬撥借勾庭書院開辦師範研究社梁已設為監督即指省城前月學二日師範學期舉辦

醫藥紀聞

○擬開銅元局于岳州 (以餘利作粵漢鐵路經費) (湖南) 岳州開設銅元局將餘利備造粵漢鐵路此議發自湘人前已得香帥允諾茲聞湘新已議定辦法電請香帥指示是否由香帥派人辦理抑由湘撫派人現尚未定大約必須先行奏准方能開辦也

○鐵廠人員更調 (湖北) 漢陽鐵廠經理李一琴部郎辦理以來竭力整頓外七廠總監工政歸西人經理馮君敬庵改委參議章君鴻漸升為提調現在外七廠一律開工內廠須俟新爐造就方能工作云

○香撫張批商務局詳定王封官礦局辦法 (山西) 據詳已悉官礦局務現經該局派委委員劉在瀛董事楊煥榮勸定王封通東之北道村租房設局先就原定官商股本各出十分之一共銀七百五十兩刊給圖記擇期開辦並定嗣後續招股本以一千股為限商本不足額即將官本歸還所收股銀按季明算歸局收行用分別支銷造報辦理均尚妥協准其

立案紀聞

立案辦理和用留銀一分並非原議章程所有係指何項而再行明詳復核奪母相混合切切此致

○飭訂江內河小輪章程 (鎮江) 鎮江關稅司署君以小輪往來內河每易滋事擬欲訂立行駛內河小輪章程以息爭端適日商數員與華商和濟輪局在揚州仙仙女廟等處碼頭彼此互控前來因委理船務會同稽察小輪委員前往履勘便察看沿河河道嗣後內河小輪宜如何行駛方免來往碰撞碼頭宜如何設立不致彼此爭執到岸時宜如何停泊以無礙水道著即悉心詳核訂立簡明章程數條候奏奉

雜紀

○添銀元票 (湖北) 湖北官錢局督辦高松如現向口本定購舊日七錢二分之二銀元票一百萬張係與銀幣票同時購訂銀幣票亦係百萬張昨日業已運鄂惟尚未編列字號行使云

○諭令民船懸掛燈 (鎮江) 鎮江關監督郭觀察准稅務司函稱前月二十一夜瑞運小輪開往南京行至酒原溝地方撞翻守口巡船一隻以致該船並未照章懸掛燈例不賠償惟長江輪往來如織誠恐再有此事務請札飭地方官出示曉諭官民各船嗣後黑夜行駛務須照章懸掛燈或用號筒招呼以免碰撞等因觀察已轉飭各屬示諭辦理

○鄂督飭提取官報兵工廠報備修監獄 (湖北) 為飭提取官報兵工廠報備修監獄事查該廠修監獄定圖式估定工程飭委知府王元常等監督在案查此項監獄開工在即急需需用報備件為數較多應由官報兵工廠兩廠燒造之件提取應用庶可料堅工速茲據署江夏縣知縣鄧履和開具報備件數目清單呈覽前來應即飭令兵工廠官報廠照數挑備齊全撥交鄧署令收領歸於監獄工程應用以濟要需除分行外合亟札飭到該局即便遵照開辦數目照數撥給具報勿違此札

計抄單一紙 計開 官報廠燒造條子青板一百六十萬塊 又二半大板五十萬塊 兵工廠燒造條子青板一百三十五萬二千八百三十六塊 又二半大板五十七萬四千一百四十塊 兵工廠燒造條子青板三十七萬 又鐵窗戶並風門大小共六百五十五個

○查封長壽寺 (廣東) 昨報南海縣胡明府親往查封長壽寺一節茲續聞當日明府會同方子順太守馳抵該寺傳庫房等有職事僧人出見勸令將該寺契據租部呈出聞共傳庫房一百二十餘本另有舖戶十家係一人批出每年一次清租故無租部者當時該寺老僧多人跪求胡明府回步許事本縣不能作主祇有代爾等轉稟大憲聽候施恩耳惟爾等既已查封爾等限三日內一律遷出斷不容盤踞逗留致干未便云云是日因新泉惠接印故未丈量祇將契據租部帶回署中廿九日又由朱之英大令會同縣署收發委員姜文輝少尹前往該寺丈量矣

○預資避暑藥品 (京師) 內廷以天氣炎熱當差各臣工及北洋各軍供職維勞特傳知同仁堂藥房趕製萬應錠砂

藥各一萬回

藥各一萬回 避暑藥品多種以便頒賞諸臣云云

○推廣警察 (鎮江) 鎮江去歲開辦警察因經費不敷僅招募巡兵五十餘名就沿江一帶與租界毗連處先行試辦茲以各處船隻及各屬局均允津貼月款經費充足由辦委員漢文波大令稟明道憲添招巡兵三十名以為推廣警察之用刻已出示招募惟吸食洋煙及在紅青幫或會經犯事者概不錄用云

○警察易員 (蘇州) 蘇州三門外警察總巡知縣吳蘭谷大令近因差滿交卸所遺局務由督辦司道另委前辦中路巡巡知縣富順庵大令接辦又南路總巡李耀樞大令亦屆期滿札調現辦西路總巡吳文卿大令庖代西路一差尚未見有明文云

○查勘荒地 (揚州) 揚屬清江浦督辦委員程大令菊齡到差後即認真查勘荒地以免廢棄擬將倒城地基一律開墾以盡地利云

○鎮江關推廣郵政 (鎮江) 通州之金沙廠及石港掘港等處均係產鹽之地商賈輻湊而郵政尙付闕如茲鎮江關稅司義理通君欲推廣郵政特派洋員侯士卜供事張榮炳前往該處考察設立郵政分局添置信箱以便就近投遞云

○嚴訊縣差為盜 (揚州) 太平巷地方王姓被劫一案係甘泉縣署差役某甲為首日前已經白泉鄉大令派派捕役將甲及同黨七人獲住嚴刑審問甲已直認不諱大令當已錄供申詳上憲想須明正典刑也

○銀幣不能行於鎔廠 (湖北) 漢陽兵工廠鎔廠工匠薪資向以銀元發給茲經總辦蔡鐵珊觀察遵照示改以銀幣發給而工匠等誠恐市中折耗是以均不具領提調蔡子昭司馬以有違定章若不遵領即行停工二個月以示儆云

○聚觀渡者之慘劫 (南京) 金陵夫子廟前秦淮河右側一月弓木橋寬約二丈長近六丈兩邊欄干高約三尺端陽日一旬鐘時有多數好事青年子弟在橋上候觀競渡並看往來遊船延頸踮足層層擁擠左邊欄干忽因人多擠力過猛欄干斷折人如墮傾當時落水遇救者數十人淹斃者亦數十人泊黃昏時已撈起屍身十數具其慘不忍觀者夜分時尚擁擠不開亦慘切也

○雷災 (直隸) 定興縣西北係淡水縣四月二十七日傍晚八點至八點半鐘從西北淡水間擁來黑雲頓時大風及大雨電又大雨雨下有半點鐘之久電子有飯碗碗大不等滿城天棚窗戶屋頂皆被打破火車站之公事房西窗玻璃亦被打碎房中竟成澤國所幸事在傍晚天已昏黑故人口皆無恙此次雷雨從西北來故淡水較定興尤甚聞有數人被電打死定興正西城外三里南四五里北一二十里東至最長間雖有雷電亦有之惟電之大小則不得而知所有被電之地莊稼穀粒無收尚在其次即柴草亦無餘矣聞房山縣煤礦有四洞被水淹沒每洞淹斃三百餘人又聞有出煤之處地名長溝峪是晚因雨電大至平地水深三四尺煤礦毀壞數家該村淹死之人約有三四百口在周口店車站東山河內男女小孩死屍總有數十具被災之村有四五處皆在離周口店車站二十里上下之遙北又二十里日在周口店車站南被雷擊傷一人七歲出血而當時並未斃命云







